

II

SI MABINI LABAN KAY HEN. LUNA

Na, si Mabini ay may lihim na pagka-suklam o natatagong poot kay heneral Antonio Luna, ay siyang pinatutunayan ng limang sulat na ipinadala niya kay Aguinaldo at iminamungkahing ito'y palitan, kung maaari, pagka't umano'y "despota", hindi nakauunawa ng kanyang mga karapatan at tungkulin at alangang maging puno ng isang hukbo.

Ang malaking paghahangad ni Mabini na mapalitan si heneral Luna ay labis na ipinakikilala ng pangyayaring iginawa pa niya ng "borrador" o "formulario" si Aguinaldo sa pagtanggap ng hinihinging pagbibitiw ng matapang na heneral.

Kung sa mga liham na ipinadala ni Mabini kay Aguinaldo ay marami siyang nasabi laban kay heneral Luna, sa pag-uusap nila ng sarilinan ay hindi kataka-takang isipin natin na lalong marami ang kanyang naiparatang.

Ngayon ay sisipiin ko ang limang sulat niya kay Aguinaldo na may apoy sa itaas at may apoy sa ibaba, kung бага sa inilulutong bibingka. Narito:

Malolos, 28 de Febrero 1899.

M. PRESIDENTE:

Nabalitaan ko pong si Luna ay nagrerencian sa pagka Director at General en Jefe sa operaciones sa Maynila, dahil sa hindi binigyan ng ano mang perusa ang mga capitanes ng compangiang hindi sumunod sa kaniyang utos sa huling ataque sa Maynila.

Napagkikilala na po sa nangyayari na totoong masama ang efecto ng ano mang kumabutan: ang nangyayaring iyan ay totoong banyag hindi lamang sa hukbo kundi sa tawong bayan, at sapagkat di nila naririnig na pinarusahan ang may sala, ay masasabi ng

ibang sundalo na walang ano man ang sumuay sa utos ng General, samantalang sa ibang nacio'y binabari. Kun sa manga huling ataque ay may ibang compaña na hindi sumunod, at inyong parusahan ngayon, ay wiwikaing nagparusa kayo sa pagkat hindi taga Kawit ang sundalo. Sa ganitong paraa'y hindi magkakaroon ng disciplina kailan man ang ating sundalo.

Dahil sa hindi tinamblingan ng parusa ang abuso ng fuerza ni P. sa Malabon ay inulit ngayon ang ganito ring abuso sa Polo, kaya't natirrito ang Presidente local sa Polo na may kasamang dalawang tawong lamag ang katawan, isa ang Pangulo sa barrio ng Maisan na linooban ng pitong pung sundalo ni P. na nagpahuli sa manga lalaki at pinahirapan sa kakukulata.

Wala tayong masasapit pagka tayo'y hindi dinamayan ng bayan, kundi ang masupil ng ating kasaway. Walang lakas ang ating sundalo kundi bigyan ng tulong at abuley ng bayan sa mga pagkain at iba pang kailangan.

Kayo'y pinagkalooban ng prestigio ng may Kapal, upang gamitin sa ikahuhusay at ikatitimawa ng bayan, na hindi makakamtan ito ay mawawala ang nakuha ng prestigio, sa pagka't mapagsaninaw na di tayo maalam gumobierno.

Sa manga ganitong kapanaganiban ay kinakailangan ang dictadura militar, hindi upang masupil ang tawong bayan, kundi lalong lalo na ang abuso ng manga militar na walang makapuputul kundi ang puno.

Kun na sa atin ang baya'y makaasa tayong di man manalo ngayo'y, mananalo bukas makalawa: kundi hindi, ay tayo'y na sa pagkalipol. Kun malaki ang panaganib natin sa americano ay lalong malaki ang panaganib na pagbabala sa loob dahil sa manga abuso na siyang pangagalingan ng revolucion.

Magotos po kayo sa dating linkod.

AP. MABINI.

M. PRESIDENTE:

Marami pong quejang dumating dito dahil sa abuso ng General Luna. Nagpabando raw ng manga nakaraang araw at tinangangang ang sumoay sa manga iniutos niya sa bando ay pupusilin ng walang sumaria; nagpabari sa Bocawe ng inchie ng walang sumaria at nagpabando hangan sa provincia ng Pampanga.

Ang pagpusil ng walang sumaria ay guinagawa ng manga sundalo, nguni't hindi ibinabando ng puno sa isang naci6n civilizada

kundi sa manġa barbaro; bukod pa'y wala siyang nasasakop kundi ang Polo na kinalalagyan ng cuartel general at ang manġa bayang nasasakop ng zona sa Maynila.

Nagtabaka ako't ito'y hindi naiintindihan ni Luna; hindi siya makapaguutos sa Bulakan at Pampanga, kundi umopisio sa manġa Jefe militar dito.

Habang siya'y Jefe de operaciones ay hindi siya Director de Guerra at maging Director man ay wala siyang facultades kundi magutos sa oficina at humalili sa Secretario de Guerra kun wala.

Kun hindi nakaiintindi ng kaniyang facultades ang general, ay ang hindi pa kaya bago!

Mangyari po lamang ipsintindi ninyo sa kaniya ang manġa bagay na ito, ng huag tayong magkaroon ng conflicto.

Magotos po kayo,

AP. MABINI

6-Mzo-99.

P. D. Kun mangyayaring halinhan ay lalong masuti.

Vale.

Malojos, 7 de Marzo de 1899.

M. PRESIDENTE:

Huag na ninyong ialok kay Luna ang Subsecretaria de Guerra na siyang Direccion ng una, sa pagka't kailangan dito'y nakaiintindi sa oficina at organizacion ng Ejercito at ley ukol sa guerra. Baka lamang gulohin ang organizacion ay lalong masama.

Kun siya'y magpilit umuwi sa kanila ay huag na ninyong bangutin ang Subsecretaris at kayo'y mag parang walang anoman at di nakaaalaala.

Kundi bagay sa mando ng Hukbo ay lalong hindi sa oficina, sa pagkat despota.

Ito'y para ko lamang paalaala; sa pagka't ng bago pa akong masangkap sa Gobierno ay ipinaintindi ko na sa inyo na hindi nakakaintindi ng organizacion at despacho ng oficina de Guerra.

Siya'y marunong como quimico at nakakaintindi ng caunti sa trinchora; ngunit walang aficion at politica at manġa leyes.

Magotos po kayo,

A. MABINI.

M. PRESIDENTE:

Segurong ipinakita na sa inyo ni Sr. Vales kagabi ang sulat ni Arquiza galing sa la Laguna. May sulat din akong tinanggap sa isang Abogadong taga Pateros na nanhira ngayon sa Sta. Cruz na ganito rin ang sabi. Di umano'y ang Jefe provincial ay di makapagpasiya gawa na si Sr. Benitez como Representante ay inviolable.

May sulat ding tinanggap ang kasama ko sa oficina kay Dn. Vicente Reyes; baga ma't ito'y hindi nagsasabi ng ano man tungkol diyan ay nasasabi sa sulat ang ganitong salita: Ayon sa manga balitang dala ng manga tawong nakainom sa mabuting bukal, ay bobombardeahin ng americano ang Dagupan at dedesembarco doon. Dahil dito'y dadating na ang manga lanchang ipinagawa sa Hongkong at siyang ipapasok sa la Laguna. Kun makuha ang Dagupan ay pagtatagupan tayo ng fuerzang Maynila at fuerzang Pangasinan. Tuloy bobombardeahin ng manga lancha ang buong baybayin ng la Laguna.

Ito raw ang balitang dala doon: kaya baga ma't di sinasabi kun sino ang nakainom ng balitang ito sa mabuting bukal, ay sa manga sulat na ibang tinanggap ay mapagkukuro na.

Akala ko po'y hindi dapat pabayuan ang desembarco ng Americanos sa Sto. Tomas (Union), kundi pagpilitang ng pirmi ng mga Jefe sa Pangasinan at Union. Pag nakakuha ng posisiones ang Americano sa bandahing iyon, ay pagsasagupan ng ataque sa kati at dagat ang Dagupan.

Ipinadadala ko po sa inyo ang telegrama sa akin ni Luna, at pati ng borrador ng aking sagot. Kayo po ang magdidisposicion sa kaniyang dimision irrevocable. Ipinadala ko sa Secretario de Guerra ang isang orden general upang ipagbigay cuenta sa inyo. Sa ordeng ito ay sinasabi ang atribuciones at Jurisdiccion ng General en Jefe del operaciones sa palibot ng Maynila.

Sa pagkat irrevocable ang dimision ni Luna, kailangan pong magnombra kayo ng iba, at kailangan din naman na ibigay ninyo ang direccion ng obra de defensa sa dako dito ng Polo kay Dn. Ambrosio como Jefe ng inyong Estado Mayor, ng huag magkaroon mamuya ng rozamientos at disgustos.

Inilagda ko pa sa mababa ang borrador ng aceptacion ng dimision ni Luna, baka sakaling hindi pa ninyo nagagawa at minamabating tangapin. Kayo po ang bahala at magot sa dating linked.

AP. MABINI

7 Marzo 99.

Vista dimision irrevocable presentada de su cargo, me veo obligado a aceptarla, aunque con pesar, pues reconozco sus meritos y grandes servicios a la Patria, que procuraré no olvidar. En su virtud sirvase entregar mando al General..... y al darle las gracias en nombre de la Republica por sus servicios, ruegole cuente siempre con mi sincera amistad.

P. D. Akala ko tungkol sa kay Sr. Benites, ay dapat ipagutos sa Jefe provincial na siya'y paparitohin at pasamahan sa tawong de confianza, hari nangang madala dahil sa kahirapan ng daan sa pagparito.

Vale. /

M. PRESIDENTE:

Ypinatalastas ko po sa inyo na si Don Baldomero ay nagpapumilit malis sa Secretaria de Guerra, sa pagkat malapit daw magkasira sila ni Gral. Luna at di malayong siya'y mapahamak dahil sa mang'a denunciang dumarating sa kaniya. Sa pakiramdam ko po kay Don Baldomero ay kailangan na inyong payagan nang magkapalit sila ni Don Mariano Trías, paris ng hinihin'i niya, sa pagkat kundi man magkasira ang dalawa ay pangagalingan ng mang'a sigalot na makahahadlang sa pakana ng isa't isa at makasisira sa ating linalayan.

Tungkol po sa akin at sa ibang Secretario, bagamat nakikita naming ang General Luna ay di sumasangunì o nagbibigay alam man lamang sa gobierno sa ano mang pakana, ay pinararaan na ang lahat hari na nangang siyang makapagbangon ng ating puri paris ng inyong inasahan ng siya'y inyong ihalal. Sa ibang panahon ay ang bagay na ito'y dapat ipagrenuncia ng mga Secretario; ngunit kami nagpipigul ng huag ng ikadagdag ng mang'a kahirapang tatawirin ng ating bayan.

Sa pagka't kasakit-sakit ang nangyayari, kun mapigui ay eriling-sarili niya ang kapurihan, na ninanasa kung makatatan niyang lubos; ngunit kun mapasama, kun ang mang'a pakana niya'y pangalingan ng kasiraan, ay sa amin ang sisi, sa pagkat binayaan namin. Kun ang ating gobierno ay dictadura at hindi constitucional, ay mangyayari pa, sa pagka na sa inyo ang boong panasagot; ngunit anaki di dapat na baguhin natin ngayon ang forma de gobierno, baka akalain ng mang'a Potencia at maniwala sa Americano na ng makuha nila ang Mololos ay nawasak ang ating gobierno.

Hinil na po namin binahangad na siya'y sumangunì sa gobierno bagay sa plan at disposiciones na dapat niyang gawin sa laban;

kundi ipagbigay alam man lamang ang manġa pakanang kaniyang dapat gawin tungkol sa manġa tawong namamayan, sa manġa extranġero at iba pang bagay na naukol sa tinatawag na politica de la guerra. Sapagkat sa bagay na ito, at gayon din naman sa organiazion ng fuerzas at reclutamiento ng manġa kawal, ay dapat mukaalam ang gobierno yayamang siyang nangangasiwa sa manġa armamentos at provisiones. Sa politica de la guerra ay di mananagot ang Jefe de Operaciones, kundi ang Gobierno; kaya siya'y dapat manunod sa manġa instrucciones na dapat tangapin.

Tumangap po kami ng comunicaciong galing sa Iloilo ng Gral. Martin Delgado at Francisco Soriano na inyong Comisionado. Ang sabi nitong Soriano ay ang fuerza ni Diokno ay walang guinawa kundi mangagaw at manguha ng salapi ng ataquehen ng americano ang plaza de Iloilo, hangan sa nagkakambabali ang pusil ng manġa kawal na guinagawang balagwitan ng manġa ninakaw na salaping dinala sa Capiz. Ang fuerza raw na ito'y bukod sa naayaw lumaban sa Americano ay naayaw namang magbigay ng fusil sa manġa nalaban at ayaw pang patulungin ang Capiz sa manġa taga Iloilo na siyang nagmamantini sa lahat ng fuerza, pati ng kay Diokno na dumayo doon.

Ang sabi ng Gral. Delgado ay ng onse de Febrero ay inataque ng Americano ang plaza de Iloilo at sa pagkat umurong ang fuerza ni Diokno at Araneta ay nakuha ng Americano hangan sa kinabukasan pati ng Jaro at Molo. May dalawang daan ang baja ng ksa'way at sa ating naman ay may tatlongpu. Ang kaniya raw Cuartel General ay na sa bayan ng Sta. Barbara; ang fuerza niya ay may tatlong libo, barilan ang kalahati at sandatahan ang iba; at sa barilang ito ay ang limang daan ay naayaw sa Capiz, Concepcion at Antique. Siya raw ay nagtitipon pa ng tawo, kaya humihingi ng fusil at kun wala ay ipagutos kay Diokno na ibigay sa kaniya ang iba. Si Diokno daw at si Araneta, ay kumikilalang puno sa kaniya, sa pagkat nakitang ang Iloilo, Jaro at Molo ay nakuha ng Americano, sa pagkat naayaw sumunod sa kaniyang utos at nagsisiurong.

Dumating po naman dito ang isang piring paisano si M. Pascual Reyes na galing daw sa Cebu at sinasabi na sa Leyte ay naganbuse ang General Lukban at para raw lamang pantala ang Coronel Mojica. Sa Cebu daw ay magulo din, sa pagkat di nagkalatuno ang Jefe Militar Magillom at ang bayan. Ang sabi sa akin ay mayroon kayong proclamang Americano: baka mangyayaring inyong mapadalhan ako ng copia, upang masagot kun baga't kilanġan.

Magutos po kayo sa dating likod,

AP. MABINI.

8 de Abril 1899.

Sabihin na ang ibig sabihin, sa mga liham na iyan ay talagang mapaghahalatang si Mabini ay naging kaaway na libim ni heneral Luna. Hindi na kinakailangang pagtalan ang bagay na ito pagka't maliwanag na mababasa sa nilalaman ng mga sulat niya kay Aguinaldo.

Nguni't kung bakit kay daling nagbago ng kanyang kuru-kuro at hindi lamang di kinatigan at ipinagtanggol si Aguinaldo sa mahiwagang pagkamatay ni hen. Luna, na hindi naman matiyak kung sino ang tunay na may kasalanan, kundi pinakatuligsa pa nga sa kanyang LA REVOLUTION FILIPINA, na sinulat niya sa kastila at ingles, ay siyang kinakailangang pag-aralang mabuti at suriin ng mga bantug nating mananalaysay.

Maaaring nagtatago iyan ng malaking hiwaga. Talaga.